



A Latsch éi gnü tigní l'ultima domënia la finala dles gares de lüsa joniles Raiffeisen de lüsa alta y bassa. I atlec ladins pó ester capazi de sü resultat.

Les gares joniles Raika é na competiziun partida sö te cater gares olache al töl pert mituns dai 6 ai 14 agn che vëgn partís sö de deplö categories. Al vëgn garejé sides cun lüsa alta y sides cun lüsa basa. Les cater gares te chësta sajun é gnüdes tignides a Latzfons, Plan de Gralba, Lass y l'ultima a Latsch.

La gara dl'ultim fin dl'edema a Latsch, odüda ince sciöche ultima poscibilité por cöie adüm punc, á stlüt jö le quartet de gares. I atlec plö jogn da La Val, che á bel partezipé a les atres 3 gares, á arjunt chisc resultac tles singoles categories: 2. Peccei Lara, 5. Campeï Miriam, 6. Miribung Elena, 5. Dejaco Christian, 3. Campeï Fabian, 7. Crepaz Davide, 9. Höller Simon, 10. Dapoz Mattia, 2. Alton Elias, 3. Moling Matthias, 6. Brunner Philipp, 10. Ties Michael. Gran sodesfaziun por düta la squadra, che se tôl para a ciasa le prüm post por soma de tēmps.

De gran complimēnc ti va dandadüc ai dui jogn atlec Moling Matthias (3. post) y Peccei Lara (2. post) che á podü trá le salt sön podest a pié dô la medaia tla tlassifica generala por soma de temps de dütes les cater gares. Chisc i atri plazamēnc finai tles singoles categories: 5. Campeï Miriam, 6. Miribung Elena, 9. Frenes Elisa, 5. Dejaco Christian, 5. Campeï Fabian, 7. Frenes Max, 9. Höller Simon, 10. Dapoz Mattia, 12. Crepaz Davide, 5. Brunner Philipp, 6. Alton Elias, 10. Ties Michael. Ultima gran sodesfaziun dla sajun le secundo por tla tlassifica generala por soma de tēmps a squadre.

Se congratulé uress l'Uniun dl Sport no ma por i bugn resultač arjunc, mo ince por l'impēgn y la gran devoziun desmostrada da pert de düc tl'organisaziun de chēsc evēnt fora por düta la sajun. N gran giulan ince ai alenadus y ai geniturs che acompagnēia i mituns ales gares y l'insegnamēnt di atlec cun tröpa esperiēnza ai atlec plö jogn che vēgn dô ca. Le bel grup y i bi resultač arjunc des stimolé ince le dagnì de chēsc bel sport.

Chilo i resultac finai / tlassifica a punc: [resultac](#)